



大明英宗睿皇帝實錄卷之三百四十二

上天順六年秋七月甲午朔享

太廟遣中官祭司門之神

乙未

陞刑部雲南司員外竈良為浙江司郎中行人司

行人金文為刑部雲南司員外郎

命哈密等處使臣都指揮使木撒法兒指揮僉事阿

領沙千百戶鎮撫等官馬哈麻撒刺迷等十二人

俱陞一級失迷兒必失等二十人俱為所鎮撫

命哈密地面指揮使完者土干姪那顏指揮僉事沙

班子失馬黑麻馬哈麻土買秃陝西丁兀思班地面指揮同知恰恰姪失馬哈麻土魯番地面指揮同知捨黑馬黑麻子把卜把谷黑商指揮同知土速看子阿卜都刺兀加思蘭處指揮僉事滿刺子阿巴俱襲職 宥鎮守通州都指揮同知陳遠罪遠與通州知州盧遂同知黃仲寬相訐奏命錦衣衛千戶高安覈之遠賂安安具報遂仲寬有貪淫跡而薄言遠罪

上命遠具狀以聞遠乃自狀耕種官地及勒民納柴大草豆料罪且言太監韓亮傳恭裴當孝傑及內官

陳政過官或因役夫不給擅撻州官或給銀與州衛官為臣置酒延款或邀飲臣家或知其杖殺軍士不以聞此皆臣罪然臣實導敬近侍內臣伏乞赦臣罪事下刑部請執遠鞫問

上曰遠既輸罪其姑宥之 山西平陽府安邑縣民李真交城縣民宋普貴等妖言惑眾聚劫鄉村偽稱王立年號汾州民蔚顯等格殺其黨縛真等詣官械至京真瘦死普貴伏誅俱籍沒其家 楚府東安王季燧奏兄楚康王薨逝擇七月二十八日歸塋於江夏縣靈泉山之原本府各郡王及鎮國

輔國將軍俱有服親屬乞令送至墳所奠祭以盡
親親之道從之 錦衣衛都指揮使錢僧護祖母
陳氏奏乞抄沒莊田一百頃 上曰貴戚之家當知止足僧護嘗賜地千餘頃已足
耕種何得復求不允 夜東方有星大如盞色青
白有光起尾跡自室宿東南行近濁
丙申

准王祁銓辭歸 賞延綏等處殺賊有功官軍人
等二百五十二人總兵官彰武伯楊信等官各銀
十兩綠幣二表裡都指揮各銀三兩千百戶等官

各銀二兩旗軍人等各銀一兩布二疋 巡按直
隸監察御史樊英等下錦衣衛獄時有訴英至六合
縣數飲丁憂主事鄭瑛家因納賂廢法者命給事
中趙忠錦衣衛百戶陸瑄徃覈之忠等言英與瑛
同年進士嘗相過飲而納賂廢法實無有仍械英
瑛至京遂下獄 鎮守西寧左監丞陳善與都指
揮汪清有隙相訐奏下巡按陝西監察御史及三
司覈之言善遇寇輒遁致寇肆殺掠及數令軍出
境伐木賣茶亦為賊所殺又自杖殺番人及軍士
五人侵欺官旗俸鈔貨銀私占軍逐月納銀以萬

兩計逼役軍人致逃者幾二百人清以無子取部
屬指揮家女子為妾者三人隱匿陣亡官軍不奏
者數十人

上命巡按御史按察司執清鞠之司禮監選內官一
人往代善還 樂平王冲焮奏臣昔奉命隨兄韓
王之國平涼平涼地寒而臣体素弱故致氣疾久
弗能瘳屢乞徙善地未獲俞允雖荷蒙遣醫調治
然暫得稍愈遇寒輒發矧平涼為切邊小郡韓王
及臣等郡王將軍歲祿民已不堪加以胡寇之擾
軍馬守禦數萬之需皆於此取給臣誠不忍見其

展轉於溝壑也伏乞

聖恩俯憫如代州宣寧等王例徙臣於溫暖通舟楫
之所一則甦陝西罷散之民一則延愚臣暮年之
命事下工部請允其奏徙於廣東韶州府仍勅廣
東三司為建府第從之

丁酉

兵部奏天順元年七月涼州殺賊官軍其應陞一
級者六十六人應賞者四百二十六人宜即施行
以勵將士從之

乙亥

兵部奏今年六月達賊入大同地方虜掠人畜請
治其鎮守官都督僉事張鵬監丞阮和都指揮羅
俊失機之罪
上命宥之再誤事不宥
都督僉事顏彪奏報官民
於賀縣廉州等處擒殺蠻賊八十餘衆

辛丑

命刑部署郎中事員外郎實授郎中王佐署員外郎
主事張信羅淮實授員外郎
賞錦衣衛都指揮
僉事金貴銀十兩彩幣二表裡指揮僉事馮普銀
七兩彩幣一表裡總小旗舍人等各銀五兩絹五

疋以出使迤西哈密撫諭番夷有功也
降守備
西陽河堡都指揮僉事楚禎二級橫海衛差操先
是損令軍採薪猝遇寇死者三人事聞下巡按御
史鞠禎當絞都察院言禎令軍為畜積計較之私
役者不侔乃有是命

壬寅

命翰林院脩撰劉吉檢討邢讓為應天府鄉試考官
先是福建貢歲造段匹於京工部以其紕薄劾
其織造官吏因及看驗提督官右布政使劉讓左
叅政張斌等

上命錦衣衛遣人執赴都察院問罪輸贖復職仍詔
工部錦衣衛各遣官一人械往任所追償

癸卯

致書含山大長公主曰朕每念親天孫每念皇高祖所生親王公主四十人而享有高壽者今惟
祖姑一人誠難得也近者承諭用度有缺朕心惻
然特遣太監藍忠賚送珠翠九翟博鬢冠一頂白
金三百兩鈔一萬貫各色貯絲十匹紗十匹羅十
匹生熟絹三十匹奉至府中以表親親之義至可
收領尚宜自愛以膺悠久之福

命淮府永豐王祁鈺歲祿折鈔准一年改折布絹從
淮王祁鈗奏請也 兵部奏錦衣衛指揮僉事呂
貴等奉勅往淮縣點視草場所牧馬不在草場者
四千四百餘匹皆由該管都督王瑛劉福靳忠等
不嚴鈐束以致軍士私騎別往請治其罪
上曰王瑛馬匹不在者少姑已知劉福靳忠罰俸半
年其餘該管官員送錦衣衛問罪

甲辰

禮部奏伊府長史司左長史金潤等言本年八月
初六日應祭社稷山川等神而洛陽王并臣等俱

居伊王喪恐未可以承祭臣等議禮不以私喪廢
公祀今洛陽王雖有父服其社稷山川之祭宜令
主祭從之 復除僉事吳璘於浙江按察司以親
喪服闋也

命迤北李來等使臣右都督察占為左都督都督同
知兀馬兒指揮同知把速刺母魯土罕指揮僉事
克馬力丁等俱陞一級其餘未有職者授官有差
備禦遼東開原右監丞韋朗奏今年六月二十
九日官軍於密城寨地方殺敗達賊斬賊首三十
九級獲賊馬三十三匹并器械諸物 訶加思蘭

來朝使臣一人因醉不候伴送先馳馬出崇文門
外為人捕獲禮部奏擅擒使臣者當罪錦衣衛乃
言使臣奔言捕者當賞詔從之各賞鈔五十貫

伊王顯煥薨王伊厲王第二子母丁氏永樂十一
年生二十二年襲封至是薨享年四十六計聞

上輟視朝三日謚曰簡遣官致祭有司營葬 工科
給事中劉斌奏朝廷為大臣營葬舊有定制今工
部為南京吏部致仕尚書曹義子皆鬻私徇情故
致僭分越禮勞民傷財乞勅該部勘其原造墳塋
合制者存留違制者革去其鬻私徇情者皆治以

罪仍令該部今後造墳必悉遵舊制為宜從之

乙巳

陞陝西都指揮僉事蘇鎰為都指揮同知以其父
得先任都指揮僉事殺賊陣亡應陞一級故
也 陞湖廣按察司副使沈慶寶慶府推官劉文
武岡州城步巡檢司巡檢李經順天府帶俸照磨
沈玘等俸各一級俱以征絞洞賊寇功也 給文
安伯張斌歲祿一千二百石本色折色中半兼
支

丙午

賜昌化王庶次子名成鏐 又兩壞大喜峯口等
關城命鎮守薊州永平山海等處總官等官修築
之 夜曉刻火星入鬼宿

戊申

中元節遣官祭

長陵

獻陵

景陵 夜有流星大如椀色青白有光燭地出天苑
北行入參宿十餘小星隨之

己酉

工部尚書兼大理寺卿趙榮有疾命左侍郎霍瑄掌部印未幾瑄亦告病命右侍郎薛遠伐之

庚戌

復除山西按察司副使李俊於陝西按察司以母喪服闋也 以沒官地八十餘頃賜廣義伯吳琮

鎮守居庸關都督同知李奇卒奇直隸交河縣人祖玉新建伯父英都指揮僉事正統己巳戰歿於彰義門奇以父功襲陞都指揮同知管三千營天順元年陞後軍都督同知管五軍左掖尋調前軍都督府掌府事三年鎮守居庸關至是卒計聞

遣官賜祭命

司

有賻贈營葬奇鎮守無益邊關而貪

黷誅求反為行旅守卒之苦云

辛亥

太祖文皇帝忌辰遣官祭

長陵

壬子

陞順天府文安縣知縣何源為通州知州先是源九年任滿民安奏留復任至是通州缺知州州民相率言其撫字有方乞陞補吏部具請故有是

命

勅諭逸北太師孛來曰去歲太師遣使來京朝貢邊
上雖有為惡者非出太師本意今太師又遣使臣
察占等朝貢所進文書又有悔過遷善之言足見
和好誠意朕甚嘉悅但來人數多已依正統年間
例止將緊要使臣五十餘人接取來京其餘俱留
大同館待衣服表裡與來京者一例賞賜今後宜
堅守和好若再遣使止可三五十人不必過多仍
戒約部下人馬毋得近邊侵擾庶得永享太平之
福 守備大同右少監馬貴與都指揮杜鑑相訐
奏遣官覈之具得貴收浣衣局所釋女婦為妻私

役軍人耕獵辦月錢狀

上命貴自陳貴輸罪遂宥之

癸丑

遼東總兵官成山伯王琮等奏官軍於廣寧義州
地方殺敗達賊斬首十餘級獲賊馬二百八十四
并盔甲器械諸物

甲寅

封宜春王庶長女為萬安縣主配高泰庶第二女
為寧都縣主配陳義命泰等俱為宗人府儀賓賜
誥命冠帶鞍馬等物

乙卯

命都指揮僉事白金李銓李麟俱隸御馬監為勇

士

命故遼東鐵嶺衛帶俸奴兒干都司都指揮同知康寧

子顯襲都指揮同知食指揮僉事俸 京師有無

賴子數十輩常在吏部前覬聽選官吏監生或謀

賂內外官求美除而貪欲借貸者輒引至富家借

金遂為之徃賂其實或徃或否偶得美除則掩為

已功分有其金俗呼為撞太歲既又執憑與所除

官偕徃任所取償數倍至是有為緝事者所覺下

錦衣衛鞫得實俱發邊遠充軍命都察院揭榜天

下禁約

丙辰

命山東運糧都指揮同知董善所部士訴其妻淫奔

善為追還之而受其賂已而善子磐與之淫反毆

其夫其夫訴於京刑部執磐善不遣乃奏請執善

鞫當贖杖還職從之

丁巳

湖廣忠建宣撫司舍人黃金等四川烏思藏番僧

卓吉言干等俱來朝貢馬及方物賜鈔彩幣表裡

有差言校尉黃忠恃勢宿娼又數囑託公事詐入財宅傍有巡警鋪忠召兵馬司官與飲遂令遷之事覺

上命枷示三月畢發廣西南丹衛充軍 發擒獲犯

邊達賊四十名充廣西南丹衛軍

戊午

命河南宣武衛指揮使高福指揮僉事林深南陽衛

指揮僉事王傑俱署本都司指揮僉事 宥鴻臚

寺鄉齊政罪政坐家人占種順聖川牧馬草場地

被覆勘官糾劾

上命陳實政具服乃宥之

己未

哈密忠順王母努溫答失里等遣頭目滿刺阿黑麻等來朝貢馬賜宴并綵幣表裡紵絲襲衣等物仍命滿刺阿黑麻等賫勅并綵幣表裡歸賜王母

庚申

江西贛州府會昌縣長河保民朱紹綱等恃山谿險阻藏奸作慝縱肆殺掠又拒捕殺官軍已而為官軍所獲事聞命磔紹綱於市梟首長河洞其家屬斬者四十人沒為奴婢者五十人

辛酉年四月十八日

命故府軍右衛指揮使郭安子瑄羽林前衛指揮使何順弟琛指揮同知史斌姪全濟陽指揮同知張佐弟佑俱襲職

英宗睿皇帝實錄

大明英宗睿皇帝實錄

天順六年八月癸亥朔巡撫兩廣右僉都御史葉

盛巡按廣東監察御史李曰良各奏今歲五月以

來廣州等府東莞等縣俱大雨水傷禾稼百姓艱

窘

上命戶部速移文賑卹之 兵部奏七月初八日達

賊入獨石馬營地方殺傷軍數多其守備右監丞

命阮祿都督同知汪福都指揮僉事張傑不能捍禦

并宣府總兵等官都督陳友董斌不能策應俱當

土問罪

上命且不問皆任俸令殺賊贖罪

乙丑 命修各邊牆垣屯堡墩臺壕塹命軍器監不納軍器與高

命修各邊牆垣屯堡墩臺壕塹命軍器監不納軍器與高

丁卯 釋奠先師孔子遣太子少保吏部尚書兼翰林學

士李賢行禮 直隸邳州衛指揮同知鄭銘先與

公差內官爭先過閘毆傷內官枷號遇赦還職至

是校尉復廉得銘賣放軍士辨納月錢等罪命杖

一百發廣西奉議衛充軍

大戊辰

祭

太社

太稷

已巳

命戶部署郎中事主事趙昌南京刑部署郎中事主

事高瑛俱實授郎中吏部署員外郎事主事陳雲

實授員外郎擢進士張述古韓文俱為行人司行

命人靈丘王遜炗奏臣遷居絳州以不服水土致

疾嘗請改徙未蒙允從今久疾不痊兼以子女殤

沒乞徙代州

上不聽辰刻金星見於巳位酉刻木星見於巳位

庚午晉爵如趙未蒙以到今人莫不登無心子女

命翰林院修撰陳鑑劉宣為順天府鄉試考官賜宴

於本府賜永興王府輔國將軍誠淵夫人曹氏

誥命冠服等物

命都指揮僉事宋瑛鎮守居庸關

癸酉

大夜有流星大如杯色青白出婁宿北行入雲中四

大小星從之

甲戌

祭城隍山川等神遣旗手衛官祭旗纛之神

乙亥

復山西大同縣民郭振家振靈丘王遂烜妃弟也

禮部奏給事中等官王汝霖等齋詔往占城國

命回貨易象牙烏木等物數多或給賜各人惟復照

數入官

上命循宣德年間例行

丁丑

遣順天府官祭宋丞相文天祥書山

戊寅

慶王秩燿以給賜平涼王妃并武都郡主洮陽郡主冠服儀仗欲躬詣闕謝恩復書止之 陞廣東按察司副使陳泰為都察院左僉都御史巡撫四川泰先自僉都御史改除副使至是四川盜起有言泰舊任四川有名故陞用之

命戶部差官催償沿河運船勿令遲悞各人並對勅緣邊總兵鎮守巡撫等官曰頃有自虜中歸者具言朵顏三衛達子議待收田禾後遣三千人馬往東擄掠三千人馬往西擄掠欲伏人馬在邊止令一二百人誘我官軍出戰爾等務要嚴加哨備如

遇此賊入境即用出奇剿殺既退不可窮追恐墮其計爾等慎之 巡按直隸監察御史李益奏今歲七月淮安府界海水大溢滄州新興等場官鹽一十六萬五千二百三十餘引滄死鹽丁一千三百七十餘丁官船牛畜蕩沒殆盡

上命戶部覆實除豁 致仕右副都御史韓福卒福山東膠州人永樂乙未進士擢行人司司正陞鳳翔府知府廉謹自持屬邑肅然往來有需索者吏不敢奉必以白福自是少息鄭王每欲害人福力謂之為主所撻吏部取福別任陝西方面屢上疏留

福乃調鞏昌府尋陞都察院右僉都御史叅理寧夏軍務進陞右副都御史又之以老疾乞致仕歸至是卒訃聞遣官賜祭福自任贄理聲名不及治郡時人以為憲職非其宜居云

庚辰

勅西河王鍾錄曰先因王奏稱嘗育大同軍餘單榮女為義女今已長成欲照庶民之禮聘嫁然王乃朝廷宗室與軍民名分上下懸絕一切事務並不相干往者自育義女已為失禮今又欲嫁民間失禮愈甚決不可行勅至即將女退還本生父母之

家聽其自婚嫁王無干預免失禮之愆命遼東寧遠備禦都指揮僉事韓斌分守義州地方辛巳

朝鮮國王李瑒遣陪臣盧叔同等烏思藏地方都綱刺麻番僧以失藏卜等奉表貢馬及方物賜宴及綵幣等物有差

命巡按山西監察御史鞠行都司都指揮使徐恕以都指揮僉事畢瑛劾其搆寇軍士擅易官馬也

壬午

賞留守右等衛官軍千戶李鎰等銀兩有差以擒

斬反賊曹欽功也 悟玄養素凝神冲默闡微振
法通妙真人邵以正卒以正其先蘇州人謫戍南
南受學於長春真人劉淵然淵然薦之召至京授
道錄司玄義累陞至真人至是卒遣官致祭以正
庶靜謙謹禮度雍容其見任用被寵遇亦以此
爾 國 王 李 氣 聖 訓 耳 靈 感 同 善 昌 興 獻 出 文 格
癸未 國 王 李 氣 聖 訓 耳 靈 感 同 善 昌 興 獻 出 文 格
盜竊戶部江西司折糧銀巡城御史徐茂劾郎中
趙昌等踈脫有罪昌及主事王珪徐源言律倉庫
不覺被盜者勿論且今官民家被盜皆罪應捕人

不聞罪被盜之家今茂不能嚴督巡捕而反劾臣
何也於是錦衣衛已得盜都指揮門達復劾昌等
罪誠踈脫御史職當糾劾而昌等反挾恨妄奏支
吾姦詐宜痛懲治遂下昌等獄刑部論當贖杖還
職

上命贖畢調外任遂調昌湖廣長沙府同知珪黃州
府通判源永州府通判

壬申

命故都指揮僉事郭王子勝襲為燕山右衛指揮僉
事兵部奏延綏總兵官都督同知張欽左少監

田霽先次失機已蒙恩宥今又縱賊入境劫掠罪
命難再賞軍令等語王千勳與孟燕山亦係該軍
上遣勅切責之

乙酉 給永興王府鎮國將軍公鋪女華原郡君并儀賓
張謨祿米如例

丁亥 賞都指揮僉事指揮千百戶官軍李勝等銀兩綵
段絹布有差以涼州蔡旗堡圍湖等處殺賊功也
不覺錦衣衛獄牆從都指揮僉事門達請也

戊子

復除南京戶部郎中高諒工部主事馮時孟淮於
戶部俱以親喪服闋也

己丑

命武安侯鄭宏隆平侯張佑往南北直隸等處印記
馬騾駒二萬七千餘匹賞都督僉事李震左僉
都御史王儉都指揮指揮千百戶官軍土兵高瑞
等銀鈔綵段等物有差以湖廣靖州地湖等處殺
賊功也降監察御史李傑為四川南溪縣典史
傑巡按直隸奏漕運都督徐恭無綜理約束才乞

別選文武大臣各一員代之還
上勅傑疏名以聞傑言副都御史林聰堪任其事於是恭甚銜之適大河衛帶俸指揮同知張鳶為傑所捷訴於恭淮安府知府楊杲因公杖人致死其家亦訴於恭恭乃奏言張鳶皇親傑捷辱之杲與命有姻則縱其殺人不恤且傑乘八人轎擅操歇班官舍違法甚多遣官往覈之遂執傑下錦衣衛獄送刑部論傑當贖徒還職

上以傑乖憲体不可復任御史故降之

庚寅

烏思藏地方都綱刺麻青僧朶日言千等湖廣永順軍民宣慰使司宣慰使彭顯遣舍人荅知逸等四川馬湖府土官舍人王佐等貢馬及方物賜彩幣等物有差 戶部奏送官銀三萬兩於獨石預備有警給軍買草秣馬從之 宣府總兵官都督同知陳友奏初順聖川牧馬官軍占據蔚州衛屯地割人田禾拆人房屋屯軍不勝其害赴訴於臣臣已委官勘實移文府部定奪訖今覆勘官御史朱紳等劾臣所劾不實不宜為之申理 皇上令臣陳實臣切思受命鎮守一方欲邊人得所

皇彼時見牧馬官軍逼害屯軍恐致生變不敢不懇
實申報緣臣智識疎庸致煩聖問合當有罪事下
兵部覆奏紳劾友不禁下人致有毀罵內臣者友
不輸罪及此而泛為飾詞宜執罪之
上曰友固宜執問緣職在守邊姑宥之
命巡按江西監察御史執問儀賓郭琦以寧王奠培
奏其不拜勅書故也 湖廣江華縣民蔣復春四川
永川縣民程伯良鄧誠嚴威龔用明直隸真定府
民楊剛各出米四百石助官賑卹賜璽書旌異復
其家

英宗睿皇帝實錄

英宗睿皇帝實錄

大明英宗睿皇帝實錄

天順六年九月壬辰朔

命薊州等處總兵官都督僉事馬榮督修密雲潮河
川等關城從錦衣衛指揮僉事呂貴奏也 日暈

色黃赤鮮明

癸巳

命羽林前衛指揮同知殷雄子鑑金吾前衛指揮同
知彭能子真代職以雄等廢疾乞致仕故也 中
書舍人楊貴芳言舊時誥勅勘合字號國王用禮
字追封用文行忠信字文官二品以上用仁義禮

智字三品以下用十干字新製武官誥命初編用
二十八宿字續編用千字文永樂三年十一月內
以武官誥命二十八宿字編盡該中書舍人芮善
奏請同翰林院學士兼右春坊大學士解縉等議
用百家姓編奉旨惟用漢急就章字今文官三品
以下誥勅十干字號俱已編盡乞勅翰林院別取
他字編號庶無重複

甲午

先是詔天下舉才兼文武謀勇出衆之人久無應

詔者兵部移文督責之至是平江侯等官陳豫等
舉指揮錢能等九人至兵部如舊例試之千戶過
王張英李慶能谷策問兼騎射錢能等四員僅能
騎射餘不中

上命中者送五軍營操賜鈔有差 曉刻金火星合

乙未

聖烈慈壽皇太后崩遣誥內外文武群臣曰予奉承
宣宗皇帝嗣守 宗祀蓋有年矣不幸

先帝棄違予煢煢在疚已無意於人世賴

皇帝仁孝誠敬奉養隆至俾予獲享餘年茲者遘疾
聖慈留殆弗可起然死生常理修短有數今得從

侍

先帝左右夫復何憾顧惟

皇帝續承

祖宗大業負荷至重尚賴宗室親王及中外文武群
臣同心輔翼康濟屯民予素無德及下身沒之後

喪禮宜遵

先太皇太后遺誥^哭臨三日即止服制以日易月二

大十七日而除君臣皆同不得故違毋以哀戚而妨

大政毋廢

郊社宗廟百神常祀毋禁中外臣民

音樂嫁娶宗室諸王藩屏為重不必赴京送葬但

遣人進香在外大小文武衙門並免進香特茲誥

命示其遵行之毋違 夜金星犯軒轅左角星

丙申

上不視朝素服詣

大行皇太后宮哭盡哀宮中自

皇后

皇太子而下皆哭盡哀哀止括髮設奠復舉哀哀心

皇各歸喪次官遣計宗親山頒遣誥於天下亦小歛
皇或禮部定

大行皇太后喪禮儀注以進命如儀行之其儀注悉
上與正統七年十月十八日

誠孝昭皇后崩同但改思善門為清寧門

命工部備製

大行皇后喪儀

丁酉

上詣

大行皇太后前舉哀設奠朝夕同

皇后皇重皇官二十制禮者大小數即禮所定入
皇太子而下哭臨禮皆同各歸喪次

戊戌

朝夕哭奠或增置禮部儀制司主事一員以尚書

石瑁言司事繁冗故也或南京工部尚書王永壽

卒永壽字延齡山西太原縣人正統丁巳以舉人

任江西饒州府推官三載選為廣西道監察御史

嘗從征北虜凱還受賚巡按山東貴州及蘇松等

處久之陞工部右侍郎調南京工部歷三載陞本

部尚書未幾調北京工部奉勅巡撫湖廣以安靜

得人心尋命兼督軍務征銅鼓五開等處苗賊成
功賜從一品俸天順初復調南京工部至是卒于
官遣官祭葬永壽長身多髯無他才能蓋淳謹寡
默之士云州都察院右副都御史芮釗卒釗字宗
遠順天府寶坻縣人由進士授河南道監察御史
景泰初遷江西按察副使未幾陞陝西右布政使
尋進左布政使天順初拜都察院右副都御史巡
撫甘肅四年以母喪奪情視事又明年卒于官年
皇五十五遣官諭祭命有司營葬事釗儀觀豐偉資
皇性厚重歷官二十餘載雖未大有建明然所至人

敬憚但其入為都御史時進非其道士論不滿云
上曰雷雨夜東方有星大如盞色青白有光起
自北河東北行至軒轅沒

己亥

上素服束髮詣

大行皇太后前舉哀奠大斂奉安擇宮設几奠安

主神帛立銘旌哭盡哀

上服縗服詣闕擇宮前舉哀行祭禮

皇后

皇太子而下皆成服設祭告歸喪次

皇庚子西不皆及雖若谷神身火
皇擢翰林院庶吉士劉健汪諧張元禎俱為本院編
修鄭紀張順周經俱為檢討張謹李溫俱為禮部
主事張賑為戶部主事王範為刑部主事揚德為
大理寺右寺副張溥蔡霖俱為評事
上癸卯東夏節
禮部請以萬機之務為念勉遵 遺誥視事於西
角門
上曰覽奏具悉顧朕終天之痛方殷何忍遽出但恐
重違

母后遺誥其勉狗所請以十五日於西角門視朝
南京通政使司左通政馮貫卒貫陝西涇陽縣人
自都督府吏被薦累擢通政司知事經歷右叅議
景泰間督理軍餉進左叅議天順初石亨用事貫
以鄉人諂事之復進右通政尋轉左通政父喪服
闋調南京通政司失其所倚悒悒不樂踰二載而
卒昏夜有流星大如杯色青白出危宿北行至近
濁三小星隨之

上乙巳
夜三鼓天無雲而西北方有聲如雷

丙午楚天無雲西西北風

上衰服御西角門文武群臣素冠服腰經行奉慰

禮

上興召禮部官至前跪內侍官捧制諭授之禮部官

捧至午門外文武百官隨出行四拜禮跪宣其文

曰朕惟有大德者必受大號此天理之至公古今

之通義也洪惟

聖母大行聖烈慈^壽皇太后大德至仁本於天性配

我

皇考宣宗章皇帝恭敬之誠昭于兩宮仁慈之澤被

於四海誕育朕躬恩勤備至朕自幼冲嗣承大統

以至於復位前後幾三十年得以奠安

宗社康寧黎庶而不顯前烈者皆我

聖母訓誨保護之德之功也朕方思隆至養豈意遽

爾棄違嗚痛哉追惟

聖母功德兼隆名言莫罄上薦徽號厥有舊章宜博

大采公論稱^奉天而謚用昭示于千萬年爾禮部其

命集群臣會議以聞宣畢行四拜禮遂退會議

以

大行皇太后將合葬景陵命撫寧伯朱永都督僉

大事趙輔兵部右侍郎白圭帥官軍除道及建明樓
築寶山城

命造^舊自會^新心^開宣^畢古^四其^對立^以會^嘉
大行皇太后奉先殿供祀祭器^{懷柔伯施聚卒聚}
聖本山後人後居順天府通州永樂七年襲父忠職
為指揮使十二年隨駕北征有功陞都指揮僉事
宣^德正統間累功陞至右都督奉命統右副總兵鎮
守遼東景泰三年以征虜功陞左都督天順元年
加封懷柔伯奉天翊衛宣力武臣特^進榮祿大夫
柱國食祿一千一百石子孫世襲授以誥券為人

有膂力善騎射守邊歲久以敢勇稱至是卒子榮
嗣

丁未

戶部奏福建古田福建縣銀場採礦煎銀數少欲
從民便驗糧辦納今酌量每歲古田一千二十五
兩福寧一千五十兩

上命於酌量數內各減其半

戊申

上釋衰服易素翼善冠素服腰經視事 是日
景陵啟土遣駙馬都尉石璟祭 三陵撫寧伯朱

永祭天壽山之神都督趙輔祭后土之神

給天壽山工役官軍每月行糧二斗

已酉 命南京禮部署郎中事主事蕭青實授郎中 內閣臣

李賢言昨聞

聖斷欲令都指揮谷登充副總兵鎮守涼州臣退而思之涼州實陝西臨邊要地彼處協同都指揮趙英素有名望若為副總兵者謀勇過之可服其心今谷登弓馬雖善而勇略不及英臣聞劉玉才老成可居英上

上然之命驛召王

庚戌

錄故浙江按察司僉事王晟子忠孝為河南府經歷正統間溫處寇作晟督兵勦捕死于賊例得蔭子以忠孝幼命有司優贍至是吏部請授以職故有是命 內閣臣言臣等查得本朝特享

太廟初皆於四孟上旬擇日後定為初一日惟孟春照舊擇日以正且有妨故也今遇

皇太后大喪孟冬特享正在二十七日憂服之內乞於除服後祭祀為宜

上從之擇初六日特享 夜月犯畢宿右股第一星

辛亥入去歲今觀平正五二十一日是引之內心

哈密忠順王母努溫吞失里遣使奏稱前後所遣
大使臣往往於甘州延住或三年或五年者有之乞
行催督回還兵部奏請命甘肅總兵等官遣出境
從之 夜犯六諸王東二星尋犯第一星
壬子 掌錦衣衛都指揮僉事門達言天下囚犯皆聚本
司而獄房甚少臣見城西武邑庫隙地有餘乞勅
工部蓋造獄房從之

宣癸丑

工部察院請禁鎮守總兵官叅將之理訟者庶無侵
職從之

宣甲寅

陞戶部署郎中事員外郎閻鐸為浙江布政司左
叅政兵部給事中張海為江西饒州府知府 給
大興宛平縣養濟院貧人禦寒綿布一百餘疋
致仕吏部尚書王直卒直字行儉江西泰和縣人
永樂甲申進士選為翰林庶吉士文學居優尋授
大興宛平縣

修撰

太宗巡幸北京

仁宗為皇太子監國留翰林黃淮楊士奇與直三人

輔導及來北京與修平直字子允西秦州人

太祖實錄未成以憂去服闋陞侍讀亦一百餘五

仁宗即位進侍讀學士尋陞右春坊右庶子仍兼侍

讀學士

宣宗嗣位與修兩朝實錄成陞詹事府少詹事仍

兼侍讀學士

上即位與修

宣宗實錄為總裁書成陞禮部左侍郎尋出視禮部

天事正統癸亥陞吏部尚書己巳秋虜寇犯邊
上欲親征直率廷臣上章諫止不報命留守京師既
而加太子太保景泰中陞少傅太子太師天順改

大元

上復位上疏辭師傅之職未幾致仕至是卒年八十

為四計聞贈特進榮進大夫太保謚文端仍勅有司

大葬祭直偉貌修髯端謹持重望之如神仙中人在

翰林三十餘年屢為考官得人為盛經筵進講辭

旨明暢在吏部廉慎自守居家儼然子弟不敢近

為詩文條暢簡潔在二十八宿中登顯位成大器

者惟直為最與學士王英齊名而行檢過之大器

禮部上

大行皇太后諡議其儀注與正統七年十一月朔上

誠孝昭皇后諡議同其文曰禮部尚書臣石琚等奏

比承制諭命臣等會文武郡臣議上

大行皇太后尊諡臣等欽遵會同公侯駙馬伯五府

六部都察院等衙門英國公臣張懋等議擬呈進

臣聞自古帝王受

天命以君主天下必有明聖之后為之佐理以共保

洪業而佑啓其子孫嘉績懿行既已化成當時亦

必有鴻名顯號以昭示於天下後世而無窮此萬

世至公之典古今聖王之所由行者也伏惟

大行皇太后聰明齊聖端一誠莊仁厚本於天成動

容由乎禮度受嬪

宣聖暨處儲闈奉養兩宮孝無違於終始備全衆

善德已冠於古今及正位於中宮遂祇承於內治

體柔居靜履順含和嚴助奠之禮克敬克識躬相

成之道克勤克儉寬惠以逮下慈愛以及人母儀

表正於四方壺範昭宣於萬國懿德日茂慶澤淵

深肆誕育於我
皇式丕承於大統以長以教載維載持思順顧託之
明俾盡繼述之善化行九有澤被八埏維安處於
明夷實重煩於慈蔭復元良九五之位慰慰臣民億
心宗社為之奠安國家賴以寧謐如斯功德之兼
隆蓋自前古而罕見是以升遐之日臣民痛切遠
邇無間臣等謹按舊章揆之古義蓋有大行者必
有有大名母后為天下之母當極天下之稱然後足
以配
宣聖在天之靈而流聲光於久遠此固

皇上孝思之誠而臣等奉命宜不敢有所忽者用竭
輿情合於公論謹上
大行皇太后尊謚宜天錫之曰

孝恭懿憲慈仁莊烈齊天配聖章皇后經征進兩廣
總兵官都督顏彪贊理軍務右僉都御史葉盛等
遣人奏捷以所殺潮州府反賊羅劉寧廣西龍山
等處獍獠常公立等首三十五級來獻 鐘鼓司
火者王存得持刀截內官二人捕獲以聞詔磔之
示衆 夜二鼓有流星大如鷄彈色赤出羽林軍
行文餘發光如杯南行至近濁三小星隨之 曉

刻火星犯太微垣上將星

丙辰

陞湖廣布政司右叅議朱英為本司右叅政廣西
按察司僉事周璫為本司副使復除僉事張本端
於廣西按察司下中書舍人何縵縵解禎亮等錦
衣衛時有喪制朝叅者冠白紗帽服白衣繫繩着
麻鞋是日

上命錦衣衛閱朝官服色違制者紱等着靴遂下獄
已而錦衣衛劾紱素行不謹調道州判官禎亮等
皇贖杖還職順天府尹王福奏十月初一日例舉

鄉飲酒然是日

大行皇太后喪服未釋請易於初一日釋服後行
之

上曰姑已之

丁巳

朝鮮國王李瑄遣陪臣李叔全暹羅國王李刺藍
囉者直波知遣使臣坤普倫直并董卜韓胡宣慰
使司那卜林等寺刺麻番僧足都伯等來朝貢馬
及盔甲佩刀等物命禮部官於午門外給賜金織
襲衣并綵段等物革戶部右侍郎劉道本職冠帶

開任本道直隸江陰縣人由吏員授刑部照磨陞
戶部員外郎頗有才諳諸事近習天順初黃緣吉
祥等冒陞侍郎專督軍儲軍糧後丁憂去任至是服闋
詣京吏部以聞故有是命山西布政司左布政
使張茂九年當代吏部以邊藩難其人請令再任
三年從之楚府東安王季燝薨王楚莊王第三
子母夫人鄔氏宣德元年生正德二年冊封至是
薨享年三十七計聞

上輟視朝一日謚恭定遣官致祭命有司營塋
山大長公主薨主

太祖高皇帝第十四女母高麗妃韓氏洪武十三年
生二十七年封為含山公主下嫁駙馬都尉尹樂
大永樂三年進封長公主二十二年加封大長公主
至是薨享年八十二計聞

上輟視朝一日遣中官致祭命有司營塋
戊午

命巡按陝西監察御史鞠協同守備寧夏西路署都
指揮僉事馮紀以按察司副使劉福劾其豫支廩
給也

己未

掌錦衣衛都指揮門達言監察御史樊英與丁憂
主事趙瑛有賄賂迹而給事中趙忠百戶陸瑄覈
報不實請下忠瑄於獄鞠送法司論當贖徒還職
上特命調忠為山西太原府平定州判官西曉刻金
星北太微垣左執法星

上庚申

上御西角門諭禮部臣曰

大行皇太后遺詔服制二十七日而除於十月初一
日已滿然梓宮尚在殯朕何忍遽釋服傳曰雖
大加高日愈於己自初二日後朕仍素冠服視事西

角門尔文武群臣亦素服但易烏紗帽黑角帶皂
靴朝參候梓宮入山陵神主祔廟畢日然後
用淺色衣服朝如常儀庶於朕心少安

英宗睿皇帝實錄

大明英宗睿皇帝實錄卷之三百四十五
天順六年冬十月壬戌朔以下元節遣官祭

長陵

獻陵

景陵

命含山大長公主次子尹玉嫡孫輝俱為南京錦衣衛帶俸百戶
光祿寺以供用龍鳳花素瓷器萬餘件皆損敝請勅工部移文有司成造
上以勞民命始已之
南京欽天監五官保章正時鍾等三十三人坐失奏六月客星見械赴錦衣衛

獄既而宥罪還職松潘副總兵都督同知許貴
等奏臣等於本年五月初八日會兵於叙州府長
寧縣進討昔年倖莫洞都夜三寨蠻賊分兵兩哨
接戰數合賊衆大敗我軍全勝前後克破硬寨四
命千餘處斬首一千一百餘級生擒并追獲蠻賊八
十四人巡撫湖廣左僉都御史王儉奏會同貴
州副總兵李安等統領官軍於本年七月二十一
日直抵上落崖而孟落卜利一帶蠻賊巢穴攻圍
累日前後生擒首賊阿同等九名斬獲賊首二百
餘級夜北方有星大如鷄彈色青白尾跡有光

時起自天船正西行至天格星沒

癸亥

復右都督董興爵為海寧伯佩鎮朔將軍印充總
兵官鎮守宣府復除湖廣左布政使錢與於廣
西布政司陞南京刑部署員外事主事任孜為廣
東瓊州府知府

甲子

湖廣施州衛忠路等安撫司把事仰啟鍾等貴州
永寧州項營長官司土官舍人阿偉等來朝貢馬
及方物賜綵段表裏鈔有差陞南京戶部郎中

王英為廣東布政司右叅議刑部員外郎盧中為
浙江右叅議身官后之官合入所部者未陳賈也
丁卯享神廟中官祭司井之神

太廟遣中官祭司井之神
勅甘肅總兵等官宣城伯衛穎等曰得爾奏報亂加
思蘭強取哈密忠順王妃及逼脇哈密人馬往掠
赤斤罕東二衛可見其勢漸盛今此虜又遣使來
朝似有遠交近攻之意爾等宜嚴兵為備以防不
虞又遣譯者往諭二衛俾知備之
勅松潘副總兵都督許貴曰比聞松潘番賊復起阻

絕糧道殺害軍民勅至爾即與僉都御史陳泰等
計議如果叙南賊寇寧息即移兵西向務俾兩全
以靖邊鄙

戊辰上

天行皇太后尊謚是日早遣太保會昌侯孫繼宗等

告

天地

宗廟

社稷

上親告

凡筵上尊謚罔文曰孝子嗣皇帝臣某再拜稽首言
臣聞有聖德之君必有聖德之后以佐理化功而
茂隆鴻業蓋自唐虞三代聖帝明王建我祖宗率
臻斯美是以顯號榮名光傳萬世欽惟
皇妣大行聖烈慈壽皇太后上配

皇考弘昭令儀允孝允仁克恭克敬含弘光大稟厚
德以承乾中正齋莊極嚴誠而奉祀思守成之不
易每過憂勤念維統之良艱恒加維護誨言之切
夙示於宮闈恩澤之深溥施於寧謚升遐之日遠
迹興哀宜薦徽稱用昭攸久式咨輿議請命於天

謹奉冊寶上尊謚曰

孝恭懿憲慈仁莊烈齊天配聖章皇后伏惟聖靈在
天俯垂昭鑒弘祚我後播美無疆謹言

己巳

給事中程萬里袁芳孫敬夏時張璿輪直登聞鼓
有軍妻擊鼓聲寃萬里等以故事祭祀齋戒日不
奏刑名不受其狀掌錦衣衛事都指揮門達劾其
蒙蔽萬里等引故事自解

上命錦衣衛執寃之
甘肅鎮守太監蒙泰總兵官
宣城伯衛穎文章奏提督軍務左副都御史王玘

懷私奏保都指揮等官邢端等及私役千戶田勝
營幹家事擅放指揮李瑾還原任河南逆其家屬
諸不法事姑亦奏穎貪污諸罪都察院請遣刑部
錦衣衛官往覆從之
庚午夜五鼓金星犯進賢星
免兩淮新興等場海潮衝消鹽課三十萬餘引
夜有流星二俱大如鷄彈一色青白出北河東北
行抵中台一色赤出畢宿西南行至狐矢星二小
星隨之

辛未

以上大行皇太后尊謚詔告天下曰朕惟有大
功者必有徽稱以垂永久稽諸典禮萬世攸同仰
惟

皇妣聖烈慈壽皇太后至仁大德本於天性配我
皇考克敦化原誕育朕躬恩勤備至朕自幼冲嗣位
以至於今前後幾三十年賴我

皇妣訓誨維持底於成立用能奠安

宗社輯寧邠家不幸奄違至養哀慕無窮重惟罔極
之恩宜舉尊崇之典謹命禮官議薦徽號博采輿
論協於至公已於十月初七日祇告

天地
宗廟
社稷
皇妣
尊謚曰
孝恭懿憲慈仁莊烈齊天配聖章皇后嗚呼盛德難
名曷表尊親之孝光儀具在永垂裕後之休布告
中外咸使聞知
賞征進四川松潘軍士綿布
壬申

命故遼東署都指揮僉事鄧鐸子綱襲為廣寧前屯
衛指揮僉事

甲戌

陞行人司行人章規為禮部員外郎章表為刑部
員外郎俱以九載考稱故也
周王子陞奏七月
初六日河水溢入城壞宮室物產其宗支底冊亦
淪沒無存

上命宗人府更錄一本賜之
廣東潮州府知府李
永寧奏所屬揭陽縣夏領等村沿海邊民作耗本
年四月初五日殺死潮州衛指揮劉琛本府通判
劉恭等官勢益猖獗民不聊生推原所自蓋是前
任知府周宣縱放已獲賊首李斌又容賊黨蕭宗

榮等在左右聽其教誘雖屢至賊巢以招安為名
而賊徒劫掠如故及至調集官軍剿捕宗榮等泄
我軍機以致不能成功臣本書生不諳武事况動
輒掣肘乞罷歸田里別選才幹老成授以專城之
寄俾得便宜行事仍乞追究宗榮等通賊情由明
正其罪則不勞調軍而賊自殞矣事下兵部尚書
馬昂請行總兵官顏彪巡撫僉都御史葉盛計議
區畫從之

丙子

晝太陽色赤如血薄暮太陰色赤

丁丑

復給海寧伯董興歲祿一千石本色折色中羊魚
支神機營把總都指揮陳景坐索所部賄贖徒
還職

戊寅

兵部奏有自虜中逃歸者言字來於今年九月初
三日領胡騎萬餘東行侵兀良哈地方虜情叵測
乞勅沿邊諸將嚴為備禦致仕太僕寺卿吳敬
卒敬字孟寅直隸上海縣人以楷書生寫永樂大
典書成入太學擢行在吏部文選清吏司主事應

陞員外郎即中九年秩滿陞四品祿仍舊職久之
陞太僕寺卿以疾乞致仕至是卒遣官諭祭樂大
已卯部監監部錄成勳樂 於封太尉古卿美始
誠孝昭皇后忌辰遣官祭獻陵 身合外之亂謝西隨
辛巳奏自刑中並初書言未計公第此也所
禮部進

孝恭章皇后梓宮出葬儀注自齋戒發引至安厝虞
祔恚與正統七年十二月奉葬 生南昭顯廟封
誠孝昭皇后同童復除山西按察司僉事趙京于河
南按察司

壬午

哈密忠順王母努温答失里遣使臣把帖木兒等
朶顏衛右都督朶羅干遣指揮脫脫阿等并開花
着朋等寺刺麻番僧桑兒吉星吉等來朝貢馬及
方物賜宴并金織衣綵段絹鈔有差 計所
甲申 十平 國 解 據 古 乃 始 五 知 德 出 出

戶部奏在京文武官吏軍匠人等并馬牛豬羊等
項該用糧料浩大兼因水旱灾傷并備運水淺於
德州天津寄收四十餘萬石以此歲用不敷若非
多方樽節誠恐缺乏無從措辦令國子監舉人監

生見坐堂者足用差撥其陝西納馬監生先該禮部奏其進學日淺經書未習禮度未知如正統年間官生事例存留在監讀書十年挨次出身查得各生有家小者月支米九斗無者月支三斗若令在監十年用糧數多勞民供運欲將納馬監生見在者盡數放回依親讀書十年滿日行取挨次撥用出身未到者一體放回從之

乙酉

給吉北口關營馬六百匹

丙戌

恭以奉

孝恭章皇后梓宮合葬於

景陵遣懷寧侯孫鏜告

天地太保會昌侯孫繼宗告

太廟太子少傅廣寧侯劉安告

太社

太稷

丁亥

遣中官并太常寺官分祭各門并諸神廟之應祀者內閣臣奏近聞運糧船尚有三四千在臨清

其前行者約二十餘日方到通州已在十月盡間
若交納而回河已凍矣况後行者乎船既凍阻必
誤下年糧運今宜速令戶部官前去催趲除凍前
大收貯以待下年帶運如此則船無凍阻糧無虧欠
上然之命戶部侍郎楊鼎等往理其事 夜有流星
大如杯色赤有光燭地出參宿東南行至近濁三
景小星隨之

戊子

孝恭章皇后梓宮發引 賜昇送梓宮并諸奠儀官

校力士人等米鈔有差

庚寅

勅朵顏等衛右都督朵羅干等曰近者爾等部落
妄生釁端侵擾邊境群臣闔詞請調大兵剿戮朕
念爾三衛皆

祖宗恩卹人民中間有善有惡大軍一臨玉石不辨
故勅邊將按兵不動而俟改過既而爾等果遣人
朝貢且請奏逐回日前自作不靖諸人駐劄一處
深愜朕意自今爾等宜各申諭部屬改過自新以
享平安之福若仍不悛必舉大兵剿無噍類是時

孝恭章皇后梓宮合葬

景陵 亦自其時自景陵東向於至並

丁酉 亦自其時自景陵東向於至並

孝恭章皇后神主還京文武百官衰服出迎於德勝

門外行五拜禮從 典與下與辨前美未入八四下

神主至午門外 品至四品官入六十 雖各王祔廟

上及 六十 十 外 禮 多 文 後 官 官 質 類 進 香 所 十 八

皇太子親王皆衰服奉迎步導陞

几筵殿奉安於靈座行安神禮 稷山王幼拱薨王

稷山悼靖王長子母妃楊氏宣德六年生正統十

二年襲封至是薨享年三十二訃聞賜謚莊靖遣

一官致祭命有司營葬

戊戌 八 至

上素服黑冠帶御奉天殿太常寺奏以辛丑日行祔

享禮既而

上易素冠腰經出御西角門文武群臣以山陵禮畢

行奉慰禮

庚子 皇 命 祔 葬 計

以明日奉 獻 國 祔 葬 計 奉 葬 聖 人 訃 奉

孝恭章皇后神主祔享遣太保會昌侯孫繼宗告

太廟 章皇帝神位前拜禮如初畢奉
上躬告几筵 鎮國將軍美坊卒賜祭壘及賻 奉
孝恭章皇后神主祔享於

太廟是日早

上 衰服詣 几筵 拜奉

神主出清寧門易祭服詣 太廟由左門入至

一廟神位前內侍捧神主至拜位上於神主後行八
拜禮以次至

二廟

三廟

四廟

五廟

六廟

七廟

宣宗皇帝神位前拜禮如初畢奉

神主置坐位行祭禮如時享之儀文武陪祀官隨班

行禮畢

上奉

神主還至清寧門易衰服詣

几筵殿行安神禮以是日

萬壽聖節遣官祭

長陵

獻陵

景陵免文武百官朝賀勲戚以故事獻綵幣

上皆却之安順伯薛忠卒忠順天府昌平縣人襲

伯祖貴爵初貴無嗣立忠父山為後貴卒山告承

襲有司以無弟姪嗣爵例不允事聞

宣宗念貴功特授山世襲指揮使以奉貴祀不為例

後山以功陞都指揮僉事卒天順改元諡復安順

伯爵以忠嗣封至是卒賜祭命有司營塋子瑤嗣

壬寅

上黑冠服御奉天門文武羣臣行奉慰禮

癸卯

陞中書舍人程洛汪容俱為尚寶司司丞仍舊文

華殿書辦工科給事中劉斌為廣西按察司僉事

提調學校

召宣府副總兵都督同知董斌還京以兵部奏其有

疾不能任事故也定遼東全州等衛倉納米中

鹽例金州倉淮鹽每引米八斗浙鹽六斗河東鹽
三斗三萬遼海復州海州倉淮鹽每引米一石浙
鹽六斗河東鹽三斗定遼中前後三倉東寧廣寧
并廣寧左右前屯寧遠等倉淮鹽每引米一石二
斗浙鹽九斗河東鹽三斗五升時以遼東等處邊
儲缺乏從戶部奏請也

甲辰朔初八日丙午奉
迤西回回所鎮撫牙忽來歸命仍原職送南京錦
衣衛帶俸給房屋器物鎮守獨石等處右監丞
阮祿等奏虜酋孛來率衆二萬東掠朵顏三衛遣

使臣納哈出等四十人來貢馬獻捷欲從獨石入
境

上命其從貓兒莊入既以使臣以馬疲且境外無草
不能往貓兒莊復請從獨石入許之

己巳

欽天監進天順七年大統曆

上常服御奉天殿受之給賜親王及文武百官頒行

天下勅太監吳昱守備

天壽山總理

三陵神宮監衛護

陵寢仍兼提督黃花鎮軍馬

丙午

命湖廣麻城縣知縣劉珂廣東番禺縣知縣李昂
於都察院理刑命雲南都指揮僉事陳俊守備
大理地方從鎮守太監羅珪等議舉也 夜曉刻
火星犯進賢星

丁未

松潘副總兵都督同知許貴卒貴直隸江都縣人
永新伯成之子襲指揮使正統九年以安鄉伯張
安薦試騎射智畧俱優陞署山西行都司都指揮

同知守備大同右等衛十四年陞都指揮使景泰
元年充右叅將鎮守大同西路累功陞都督同知
七年以疾還調南京左府天順六年充副總兵鎮
守松潘至是卒輟朝一日賜賻及塋祭

戊申

烏思歲刺麻官綽領占歲卜臨洮府番僧朵兒只
領占等貢馬賜綵幣等物 內官韋亨李才等盜
內庫金銀器皿及玉繫腰等物事連內外官員人
等三十一名詔亨才監候餘人悉宥之

己酉

陞考郎兀衛都督僉事哥哈為都督同知

壬子

都指揮使程俊等奉命使乧加思蘭處詔戶部預給俊并隨去官軍俸十六月為行費懷寧侯孫鏜奏遼東取還官軍都指揮栢貴丘廣南興等二千一百餘人已分為三司操練因以督操官請

上命廣義伯吳琮南寧伯毛崇都督同知喜信分領之左軍都督府都督同知茹鑑卒鑑大寧昌州營人宣德八年襲父速哥職為金吾左衛指揮僉事從征麓川以奇功陞世襲指揮使麓川破陞都

指揮同知十四年陞都指揮使景泰元年鞑平虜寇陞左軍都督僉事天順五年改反賊曹欽陞都督同知至是卒

癸丑

冬至節遣官祭

長陵

獻陵

景陵 免文武百官朝賀以

孝恭章皇后喪未遠故也

甲寅

勅諭河南按察司僉事趙京曰曩因各處流民多在開封南陽汝寧等府州縣潛住中間或有竊掠財畜強占田地擾害居民抗拒官府者已嘗命人撫治今特命爾往同都司布政司撫民官往來巡視提督所在軍衛有司撫治一應附籍并陸續逃移人民令其各守法度本分生理敢有恃頑不聽禁約仍前生事為非者聽爾執問懲戒情輕者依律發落罪重者解京處治其嵩縣內鄉境內俱產有銀砂不許人民聚眾偷採且河南為中州重地其西南山川之險與陝西湖廣相接逃移潛住者

最衆尤宜巡視禁約或有寇賊生發即調所在官軍擒捕務令盡絕仍命爾兼管河南都司所屬衛所此種照例依期比較子粒禁革奸弊爾須公廉勤慎竭慮盡心正己率下撫恤軍民務俾事安人安地方寧靖斯稱委任 嚴捕私鹽令 時 皇太后喪禮進香有以他木偽為降真香貨賣者錦衣衛捕獲以聞命各追真香二十炷完日罪之

乙卯

三千營管操都督馬顯坐事死而管營官誤以勇士都督馬良姓名書之奏章

上責總兵官懷寧侯孫鏜陳狀鏜奏皆其掌案續指
揮楊玉等所為已當有罪丁巳命宥鏜勿治執玉等下錦衣衛獄

命禮部左侍郎鄒幹掌本部印以尚書石琬久病
故也戊午

命陝西行都司帶俸都指揮僉事趙英鎮守莊浪
地方遼府儀賓魏玉武縉周遠先是坐罪戴民
巾閑住擅引赦例復職事聞俱徵下錦衣衛至是

獄成贖杖仍令戴民巾閑住先是河南鄉試監
臨官巡按御史梁覲監試官按察僉事劉瑄提調
官左布政侯政輒退中式二人補入開封祥符學
不中式生員二人瑄嘗與覲同為御史怒不為覲
所禮乃皆諉之于覲以間且及其他不法數事錦
衣衛徃覆不皆驗刑部奏請徵覲瑄俱下錦衣衛
獄從之國子生金萬坐毆太監傳恭家人法司
論贖杖

上特命錦衣衛枷以示衆日生背氣色青赤右珥
色赤黃

己未

擢進士紀欽劉恭為給事中阮文瑛孫瑜國泰汪
寬劉溪蕭凱王甫俱主事楊瑩劉賓俱行人 廣
東按察司劾守備惠州衛都指揮耿全受部卒為
盜者賄不究問命巡按御史建執治之
庚申
復豐潤伯曹振爵 翰林院學士呂原卒原字逢
元浙江秀水縣人少孤貧假館以養母郡守黃懋
舉充邑庠生正統六年魁鄉薦明年進士第二人
擢翰林編脩八年與脩五倫書有寶鑑之齋十二

年被選進學東閣入侍經筵景泰初充經筵講官
有金綺寶鑑之齋二年進侍講三年夏以春坊中
允兼侍講秋進侍講學士仍兼中允四年與脩應
代君鑒主考順天府鄉試六年與脩寰宇通志明
年進右春坊大學士兼侍講有白金文綺之賜天
順改元改通政司左叅議仍兼侍講主考禮部會
試夏召入內閣知制誥尋轉翰林學士四年主考
禮部會試賜齋稠疊六年丁母憂扶柩歸葬抵家
未及寔而卒訃聞詔贈禮部右侍郎謚文懿遣官
諭祭營葬蓋異數也原性孝友事母得其惟心撫

育兒子皆底成立為人寬厚勤敏詳慎馴雅不立
崖岸無疾言遽色為文章豐贍詩亦和平教人懇
切從學者甚衆其在內閣與聞大政多有裨益所
著有介軒集
題如天初出也
事聖亦泰計大學士
外以聖主
大司計
取金
英宗睿皇帝實錄

英宗睿皇帝實錄

天順六年十二月辛酉朔

上省郊祀牲是日太常寺奏祭祀

上服黃袍御奉天殿百官常服侍班及詣南郊百官

易吉服以從禮部請今日以後朝參鳴鐘鼓如常

上儀之給保定州河間三衛達官軍馬二百四十餘

匹

至成

陞山東布政司左叅議廿敬脩為福建布政司右
叅政以九年考稱故也起復通政司右叅議劉

昭復任視事貴州按察司副使鄧珏以老病乞
致仕從之僧錄司覺義然勝奏智化寺成于太
監王振舊有賜經及勅諭正統十四年散失無存
乞仍頒賜以慰振于冥漢

上從之
癸亥
陞兩廣協贊軍務監察御史吳禎為右僉都御史
上巡撫廣西命右僉都御史葉盛專巡撫廣東起
復河南按察司按察使王槩馳驛赴京命為都察
院右副都御史巡撫陝西
陞哈兒蠻衛指揮僉

事唐脫為指揮同知

甲子

命故湖廣都指揮僉事胡海子璿襲為永定衛指
揮使

乙丑

復廣東海南衛副千戶劉玉為右軍都督僉事充
右副總兵鎮守涼州玉曹吉祥家人初充右副總兵
鎮守貴州以吉祥反降調中途宿留不赴任內閣
臣李賢薦之遂有是命

丙寅

勅總兵官都督僉事顏彪等曰聞爾等屢報殺敗賊衆地方稍寧朕慮其逃入溪山者難于盡剿况地多烟瘴官軍不宜久留其與兩廣鎮守巡撫等官議度賊情緩急分撥官軍據守要害處置平安然後還京召廣東都指揮使張瑤來京

丁卯

內閣臣言臣等切思南京江上鹽徒雖已擒獲餘黨逃匿者尚多慮恐此輩計出無聊終為後患宜預先揀任才能置于要地警其奸心庶可消患于未然所有事宜開具于後一南京原有文職大臣

一員叅贊机務近年革去不用宜仍設一員為便
一南京五府都督聞多老病不能任事宜于在京帶俸都督內調除數員前往管事以備緩急任使
一儀真係南北喉襟之地鹽徒往往出沒于此宜選文武大臣各一員往彼鎮守以防不虞一鹽場竈戶無田耕種不免以鹽換米食用雖禁不止宜將在官附餘糧米平價收買竈戶私鹽入官如此則鹽徒無鹽可買自然消散
上悉從之夜有流星大如杯色青白出參旗西北行
至天廩星

戊辰

命武進伯朱雲同定西侯蔣琬等佩刀侍衛管領
將軍調後軍右都督馮宗右軍帶俸署都督僉
事王瑛俱理左軍都督府事召廣西西寧衛帶
俸都指揮僉事李延來京召顏衛達子字羅來
歸命為頭目送南京錦衣衛安置給房舍器物
襄垣王遜燁薨子仕壘奏乞本年祿米備葬養贍
事下戶部以例當住支不允陞山東道監察御
史莊欽為山東按察司副使南京雲南道監察御
史熊俊為貴州按察司副使內閣臣言河南乃

中原重地近年以來水旱相仍軍民飢窘况黃河
泛漲衝開城堤滄沒人民至今水患未息宜用人
提督脩理令副都御史賈銓巡撫山東事情已寧
宜令其兼撫河南

上從之

庚午

命成安伯郭昂應城伯孫繼先安鄉伯張寧都督
同知翁信都督僉事常崇葉春詹忠俱往南京理
五軍都督府事昂後府繼先春左府寧忠右府信
中府崇前府命故金吾右衛指揮使田旺子昇

羽林前衛指揮僉事東鬼里赤子崇南京羽林前
衛指揮別福金子勝府軍後衛指揮僉事曹俊弟
傑江淮衛指揮僉事李禎子勳俱襲職南京金吾
後衛指揮同知繆義子純代襲職

命歲給靖江王府鎮國中尉相顏祿米四百石米鈔
中半魚支 鳳陽大龍興寺

御製碑先燬于火至是僧肇常請樹碑重刻
上御之并賜之藏經

辛未

命錦衣衛帶俸都指揮僉事阿羊加指揮使答納帖

木兒楊廣詹昇指揮僉事賽因字羅羽林前衛都
指揮使季安都指揮同知桑斌金吾左衛都指揮
同知古兒赤金吾右衛都指揮僉事尤俊指揮使
葛春指揮僉事夏瑄俱送御馬監充勇士供應
鹽徒劉清同達等往來江湖間為患不已守備南
京魏國公徐承宗等屢奏其狀都察院以清等熟
知江湖道路變詐百出且南京根本重地上新河
等處逼近京城若不早為區畫恐釀成大患宜選
智勇諳水陣都督一員馳會承宗等設法勦治及
遣御史錦衣衛千戶各率有識見校尉五六人於

貨鹽去處密切訪捕事成一體陞賞疏入
上曰已榜諭脅從之人許首罪自新不必遣官其增
給榜文諭之

壬申

懷仁王遜炳徙居霍州言霍州城卑隘不堪保障
且有曲徑通人往來致野狼越入傷人乞勅有司
增高脩築從之

癸酉

命脩曲阜孔子廟庭以其損敝也

召左副都御史王法來京陞甘肅等處官軍四百

八十餘人俱一級一千二百餘人賞有差以天順
元年二年涼州扒沙等處擒斬達賊功及陣亡故
也迤北太師孛來遣人來奏已乃韃靼國之為
首者而朝廷賜物與衆畧同心實不甘禮部言舊
年賞賜孛來已嘗額外加厚唯其王子與之同而
醜虜貪求無厭不復存君臣之迹請更加織金綵
幣一表裹以塞其怏怏從之朝鮮國人有汎海
漂者東洋者為戍卒所獲

上命給以衣鞋遣之還國內閣臣言臣等聞知南
京馬快船隻裝載官物一船可載者分作十船却

搭客商人等私賃俱要人夫拽送動經二三百號
又阻滯糧船深為不便乞令南京守備官員今後
若有進來品物惟該用冰者一船只載十五杠其
餘一應供用官物或用半船儘船裝載不許仍前
多撥舡隻勞人拽送
上從其言勅諭南京守備太監懷忠魏國公徐承宗
等如所言行之

甲戌

錦衣衛帶俸都指揮趙榮使土魯番索所部賄下
法司論當贖流會赦特命降二級調外衛

乙亥望日

上仍御奉天門禮如常朝又調南京刑部尚書蕭維
禎為南京兵部尚書秦贊機務

丙子

勅鎮守薊州永平山海等處右監丞龔榮曰凡內外
官鎮守地方既已同事必須同心庶免有濟近聞
爾與總兵官馬榮秦將吳得劉輔自分彼此不肯
協和平居尚爾乖戾臨事能不失誤自今其務各
省已過用改前非併勅榮等亦如之

命陝西陣亡署都指揮僉事張斌子翰襲為洮州衛

指揮同知言陝西秦民飢戶部請移文所司勸富民納粟賑濟旌以冠帶如天順元年例從之

丁丑

都督同知陳友充總兵官鎮守宣府屢被賊入境侵掠代還兵部奏下錦衣衛獄鞫送都察院當贖杖充軍

上命降二級帶俸差操

戊寅

命山東兗州府知府郭鑑復任仍支從二品俸先是鑑以浚河訖功陞俸至是將滿九年巡撫巡按及

今布按二司等官言屬民保留鑑請令復任以慰民

望故有是命

復以李匡為都察院左僉都御史

巡撫宣府匡浙江黃巖縣人景泰間坐罪家居至是錦衣衛指揮僉事呂貴言宣府大同地方廣遠右僉都御史薛雍巡歷不周乞另選大臣分巡宣府

上可之命吏部議舉貴復囑尚書王翱等舉匡故召用之而命雍專巡撫大同

召淨覺慈濟大國師鎖南領占至京師館之大隆善寺夜有流星大如杯色赤有光燭地出文昌西

北行至紫微東藩內三小星隨之

乙卯

陞大理寺右寺丞吳琛為都察院右僉都御史巡撫甘肅及順天府尹王福為府卒發其諸貪濫事福亦上章按卒罪事下刑部尚書陸瑜等收其卒及諸所連濫訊之皆以為不驗奏請寢其事不治

辛巳

修南京刑部

壬午

命貴州宣慰使司故宣慰使安隴富姪觀襲職禮

部郎中俞欽父廷獻奏臣田野農民先以子貴荷蒙推恩封為主事今子進秩郎中臣又例得加封雖粉骨碎身曷由報補竊念臣父用負年幾九十氣息奄奄朝不保暮無由沾恩臣獨屢蒙恩典心何敢安伏望

皇上施仁孝之洪恩憐烏鳥之私情免加封臣移封臣父俾得生沾冠帶之榮臣父子子孫不勝感激之至疏聞

上謂吏部臣曰此人子之至情予之冠帶為不為例

山西哨守滑石澗堡都指揮吳淮為所部發其

虐害軍旗科歛財物諸不法事命巡按御史執問
之內官韋誠奉命率領殺虎手并起集軍夫於
居庸關直抵大同一帶殺虎奏千戶等官馮福等
七名不到詔錦衣衛擒之劫于三千營示衆江
西左布政使朱勝卒勝浙江金華縣人以舉人授
刑部主事陞本部郎中滿考遷湖廣武昌府知府
以憂去起復改直隸蘇州賜勅以往幾九載擢江
西左布政使赴任卒于道申刻日生暈隨生左
右珥各色淡日上生背氣一道色青赤鮮明背氣
先散暈珥俱至酉時雲遮

甲申

遣官祭司竈之神

樂平王冲焚奏西河縣主卒

例應有司營葬今山西州縣民困請自治葬

上從之仍遣中官賜祭禮部尚書石瑁卒瑁字信

之山西應州人宣德癸丑進士正統初授禮科給

事中尋陞浙江金華府知府景泰壬申陞福建右

布政使天順己卯進陞南京吏部左侍郎是歲冬

召為禮部尚書未幾以疾乞致仕不允至是卒贈

資德大夫給賜誥命遣官諭祭瑁體貌脩偉無他

材識為知府時巡撫官以罷軟退之奏章未至吏

部陞為布政為布政時又以罷軟將退適陞侍郎
禮部尚書蕭昺奏對不稱職求代之者內閣學士
李賢薦瑁及至遠不及昺云

乙酉

上有疾不視朝 廣西思恩軍民府土官知府岑燧
湖廣金峒安撫司忠路安撫司大旺安撫司鎮南
長官司木丹長官司水盡源通塔坪長官司散毛
宣撫司四川天全六招討司阿角寨安撫司芒兒
者安撫司阿昔洞長官司祈命簇長官司疊溪長
官司遼東安樂州住坐達官指揮款失等遣頭目

黃顯等貢金銀器皿及馬賜綵幣等物 鎮守莊
浪奉御進保與都督林宏不協屢失邊機又挾私
妄相訐奏徵還下鎮撫司鞫送法司論失機當斬
秋後處決

上從之

丙戌

旌表孝子宗祉節婦丁氏等十三人祉浙江金華
縣人父沒哀毀廬墓三年母盲不能視物舐其翳
膜母目復明祉後自太學生仕至瀘州知州薛良
直隸和州人為解州儒學正父喪負土為墳廬墓

植松柏數百株有烏鵲雉兔馴擾之祥後為獲嘉
縣知縣母歿徒跣赴喪復廬墓芝草生於墓隧俱
表其門曰孝行丁氏直隸全州縣人袁蘭妻蘭死
哀號數日遂經死事聞表其門曰貞烈楊氏山西
蒲州人解輝妻霍氏直隸栢鄉縣人郝得能妻張
氏懷寧縣人嚴文昌妻段氏湖廣涇陽縣人陳忠
妻賴氏江西豐城縣人胡亮文妻杜氏直隸盧龍
縣人李達妻李氏盧龍縣人昌文秀妻胡氏五河
縣人歐信妻皆年少喪夫守節無玷俱表其門曰
貞節免陝西買辦纓毛以其地饑也 錦衣衛

奏捕獲違禁屠牛人四十六人共殺牛二千八百
四十餘頭詔每人追牛一百頭完日罪之
戊子

先是宣府總兵官都督同知陳友奏獨石龍門等
處守備內外官多私役軍士缺兵防守以致違賊
數入為寇事下巡撫右僉都御史韓雍等覈實至
是雍奏五月六月達賊凡四入寇殺官軍一百餘
人掠人畜一千有奇及右叅將都督同知江福松
從軍六百餘右監丞阮祿四百餘都指揮僉事張
傑二百九十餘奉御陳莊一百六十餘都指揮等

鄭祥等共幾二千因論福等職居守職平時既不
能以廉律已而役兵圖利臨事又不能以勇率眾
而玩寇失機宜痛懲其罪以為將來之戒兵部復
劾之曰如雍言
上曰軍私役軍士如此寇至寧不誤事福祿傑莊爾
兵部其即移文召還選人往代其餘失機者令巡
按御史執問不係失機者姑宥之令退還操守
已丑

命有司建捕逋逃工匠

庚寅歲暮享

太廟一以明日正旦遣官祭
長陵
獻陵

景陵遣太常寺官祭五祀之神遣旗手衛官祭

旗纛之神夜有流星大如杯色青白有光燭地

出井宿西北行至五車星是歲天下戶三十

萬九千九百六十六戶口五千四百一十六萬六

百三十四田地四百二十四萬五千九百八十三

頃二十四畝田賦米麥二千四百七十一萬六千

八百八十七石絹一十九萬三千三百九十疋絲

五萬七千八百三十三斤綿二十八萬六千一百
九十一斤布一十二萬三千五百三十三疋棉花
二十四萬五千六百三十六斤折色鈔七萬八千
六百六錠雜課鈔九百九十一萬六千六百七十
二錠米麥一十萬四千二百七十七石鐵七萬四
千五百八十三斤有奇布一千七十四疋鹽課鹽
二百七十三萬三千八百十四引折色鈔一千六百
四十七萬三千六百一十一錠米五十二萬一千
七百六十八石布七百八十六疋茶課茶五十五
萬一千三十四斤折色鈔一十八萬九千四百七

十四貫化田子粒二百九十七萬四千九百九十
石有奇採納銀五萬八千六百九十八兩水銀二
百四十七斤有奇硃砂一百七十斤有奇漕運京
師備運過糧四百三十五萬石各處運納糧一百
一萬一千九百二十石減免天下官田等項稅銀
計米麥共七百四十九萬六千八百一十九石有
奇

大國英京會解...

九十一...

二十一...

音...

信...

一...

...

...

...

...

...



